



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 112. Hæc oratio pro diversis Patrum studiis excepta.

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

„eos correxisse, id non accidit defectu Sæcul. XVI.
 „potestatis, sed quoniam recte munere A. C. 1562.
 „suo fuerint perfuncti: porro qui lege-
 „rit celebratum illum, nobilemque Ca-
 „nonem, *Ita Dominus*, non dubitabit, Can. 7. dist. 19
 „quin ita tenere debeat quisque catho-
 „licus, ac credere, Episcopos, qui sunt
 „Apostolorum successores, eam omnem
 „potestatem accipere a successore Pe-
 „tri. „

Postea impugnat sententiam illo-
 rum, qui affirmabant, quod summus
 Pontifex suam Episcopis jurisdictionem
 auferendi potestate careat, eoquod hæc
 illis data esset a Christo, proin dunta-
 xat illis interdicere valeat illius exer-
 citium, quod ab ipso Christo non deri-
 vatur. Denique concludit, hanc lo-
 quendi rationem, qua dicitur, quod
 Summus Pontifex solam jurisdictionis
 Episcopalis materiam præbeat, ejus ve-
 ro origo a Christo Domino proveniat,
 esse novam, nec Doctorum probationi-
 bus usurpatam, ac proinde uti pericu-
 losam esse vitandam.

§. CXII.

*Hæc oratio pro diversis Patrum
 studiis excepta.*

Haud ægre quivis sibi persuadere po- Sarp. p. 597.
 terit, quod hæc oratio gratissimis & 598.
 omnino auribus excepta fuerit ab Ul-

G g 3 tramon-

Sæcul XVI. tramontanarum opinionum (*) fautoribus. Attamen saniores, meliusque edocti (***) hunc sermonem abjectis ac gravi Theologo indignis adulationibus refertam censebant; hinc Eustachius Bellajus Parisiensis Episcopus, qui morbo præpeditus huic orationi interesse non poterat, cum illius summam referri perciperet, adversus hæc opiniones excandescens profitebatur, se, quamprimum Congregatio fieret, libere sententiam dicturum contra eam doctrinam prioribus sæculis minime auditam, ac nonnisi ante annos quinquaginta a Cajetano primum excogitatam eo fine, ut pileum Cardinalitium mereretur, sed eam a Theologis Sorbonensibus eo ipso tempore ignominiose notatam. His addebat: hæc sententia adstruit unum tantum

(*) In hoc tamen gloriantur Ultramontani, quod eorum opinio proxime accedat fidei, ac universalis Ecclesiæ judicio apprime fit consona, opposita vere Novatorum doctrinæ valde fit accommoda.

(**) Quinam autem fuerint hi sententiam melius instructi, gravesque Theologi, non memorat Continuator, præter unicum Parisiensem: saniores tamen (si ita dicere fas est) hanc instructionem ac doctrinam ei non invident illi, qui id sanæ Theologiæ consonum censent, quod fidei atque Ecclesiæ consonat.

tantum Episcopum a Christo institutum: ^{Sæc XVI.}
 infinuat vero, ceteris nullam esse pote- ^{A C 1562.}
 statem, nisi ab illo pendentem: quod
 perinde est, ac si dicatur, unum solum
 esse Episcopum, ceteros ejus Vicarios,
 ad placitum ab eodem Episcopo amo-
 vendos. Postea subjunxit: animo meo
 statui excitare Patres universos, ut per-
 pendant, qua ratione auctoritas Epif-
 copalis adeo prostrata, ac prope inter-
 mortua spiritum ducere possit, ne fun-
 ditus intereat, cum omnes hæ regula-
 rium Societates, quæ indies augentur,
 illam tam vehementer concutiant (*).

§. CXIII.

*Althempsius Cardinalis Tridento ad
 suam Dioecesin secedens.*

Cum hisce altercationibus Synodi ne- ^{Pallav. c. 16.}
 gotia plurimum retardarentur, Al- ^{n. 1.}
 thempsius Cardinalis Tridento disceden-
 di,

(*) Hæc Gallum innato primæ iracundiæ
 ardore effutiisse haud mirum: quinimo Sar-
 pius, præter quem nemo alius talia refert, ad-
 huc magis absurda, & temeraria profert, quo-
 rum proterviam Continuator forte exosus, ea
 recitare erubuit: vide Pallavicinum lib. 18.
 cap. 15. n. 18. & seq. qui Suavis mendacia &
 calumnias ab eo circa Parisiensis hujus Epi-
 scopi orationem excogitatas refellit.

G g 4